

Արագածոտնի մարզպետի աշխատակազմն ու Թալինի համայնքապետարանը համատեղ կազմակերպում են «Արագածոտնի պատմամշակութային նկարագիրը» խորագրով հանրապետական գիտաժողովը, որը տեղի կունենա հունիսի 20-ին, Թալինում: Այն նվիրվում է թալինցի մերօրյա հերոս Միհրան Ասատրյանի հիշատակին: Գիտաժողովին մասնակցելու են հրավիրվում մագիստրատուրայի ուսանողներ, ասպիրանտներ, հայցորդներ, գիտաշխատողներ, որոնք պետք է հանդես գան զեկուցումներով: Չեկուցման ներկայացվող թեմաները պետք է վերաբերեն Արագածոտնին և ներառեն հետևյալ ուղղություններից որևէ մեկը.

- Հնագիտություն
- Պատմություն
- Նյութական և ոչ նյութ ական մշակութային ժառանգության պահպանություն
- Ժողովրդագրություն
- Ազգագրություն
- Պատմական հիշողություն
- Բարբառագիտություն
- Ճարտարապետություն
- Աշխարհագրություն
- Կրթություն
- Հոգևոր և մշակութային կենտրոններ
- Տպագրության պատմություն
- Բնական գիտություններ
- Հայաստան
- Չբուսաշրջություն
- Զաղաքագիտություն

Գիտաժողովի կարևորությունը բխում է ներքոնշյալ նպատակներից և ակնկալվող արդյունքներից. Նպատակներ՝

- Ընձեռել Արագածոտնի մարզին վերաբերող պատմական, աշխարհագրական, հնագիտական, ժողովրդագրական, պատմամշակութային ժառանգության պահպանման և այլ արդի հիմնախնդիրները վեր հանող ուսումնասիրությունների ստեղծման հնարավորություն,
- Հնարավորինս ներկայացնել Արագածոտնի ունեցած դերը տարածաշրջանի պատմական գործընթացների ձևավորման և զարգացման համակարգում,
- Համախմբել գիտության և կրթության տարբեր ոլորտների ներկայացուցիչներին՝ հաղորդակից դարձնելով նրանց վերոնշյալ բնագավառներում կատարվող հետազոտություններին և աշխատաքներին,
- Ստեղծել արծարծվող թեմաների քննարկման արդյունավետ, գիտական միջավայր: Ակնկալվող արդյունքներ՝
- Մերօրյա ընկալման և իմաստավորման համապատկերում Արագածոտնի մարզի պատմամշակութային նկարագրի ձևավորում,
- Նոր ուսումնասիրությունների հանրահռչակում և ամրապնդում
- Համապատասխան ոլորտների վերաբերյալ տեղեկատվության համախմբում և մեկտեղում: Գիտաժողովին զեկուցումներով հանդես գալու համար խնդրում ենք լրացնել հետևյալ հայտը:

Հայտերի ընդունման վերջնաժամկետը ապրիլի 25-ն է, հայտերի հաստատման վերջնաժամկետը՝ ապրիլի 30-ը: Գիտաժողովի օրակարգը կիրապարակվի մայիսի 5-ին: Գիտաժողովի աշխատանքային լեզուն հայերենն է: Նշված վերջնաժամկետից հետո ուղարկված և թեմայից դուրս հայտերը չեն ընդունվի: Գիտաժողովին ներկայացված զեկույցների ընտրանին կդիտարկվի տպագրման համար: Հարցերի դեպքում կարող եք զանգահարել հետևյալ հեռախոսահամարներով՝ (+374)94-25-45-07, (+374)77-04-72-92, Էլիասցե՝ gitajoghovaragatsotn@gmail.com :

Ներկայիս Արագածոտնը պատմական Մեծ Հայքի Այրարատ աշխարհի կենտրոնական Արագածոտն գավառի մաս է կազմել: Կոչվել է նաև Արագածի ոտն, Արագածոտան, Կողմն Արագածա և այլն: Իր տեղադրությամբ հանդերձ դարեր շարունակ պատմական կարևորագույն իրադարձությունների մասնակից է եղել: Ներկայումս ՀՀ մարզային կարգավիճակ ունեցող վարչատարածքային միավոր է՝ Աշտարակի, Ապարանի, Թալինի և Արագածի տարածաշրջաններով: Այն հարուստ է նաև պատմամշակութային, ճարտարապետական, հոգևոր կոթողներով: Եվ այսօր անհրաժեշտություն է կազմակերպվելիք հանրապետական գիտաժողովի միջոցով մշակութային, գիտակրթական և հոգևոր աշխարհի ուշադրությունը ուղղել դեպի Արագածոտն: